

Armagintzari jarriak

I

Sagardoaren Euskal Herrian
kupel askotan ospina:
Armagintzako ehun enpresa ta
milioietako mozkina.
Inkiszio guztiek libre
utzi ohi duten sorgina:
Gaurko diskurtso kanpo-larrosen
Barne produktu gordina.



DANI BLANCO

IV

Armagintzaren kamuflajea
Berrikuntzaren ospian,
fijatu gabe Garapen eta
Ikerketa horren kostean.
Giza eredu paregabeak
eskutxo kokozpean
eskoletara eramateko,
biktimen klase ostean.

II

Zenbat ahalegin bizitzak duen
balioa erakusten
ta zenbat diru arma enpresen
A eta B kutzak puzten.
Ahoberoek nola diote
mingainari libre uzten
kontatu gabe pistola hoiek
zenbat hil ote dituzten?

V


Ez, armagintza inguruotan
ez dabil geratzekotan.
Gehiena zeini komeni zaio?
Zalantza gutxien hortan.
Ta bitartean zenbat milaka
ez daude gauero lotan...
Zulo txikiak topatu behar
handiak tapatzekotan.

III

Ez pistolak ta kanoia soilik
(horrek fama txarra baitu)
Armagintza da ikerkuntzaren
lanbro panposoan blaitu.
Dirulaguntza publiko eta
lan hitzarmenekin gaitu
errenta ez da joko baina
gu parte bihurtzen gaitu.

VI

Kontraesanen korapiloa
ez dakigu nola aska.
Hutsa balira eragingarri
amorrua eta nazka.
Herritar gisa guk zein armekin
egin horiei hazka?
Nik nire esku dauzkadanekin,
ez bozka eta ez bazka.



DOINUA: "Esplikatzera noa kontuak ijito jende hoiinak".

Bidali zure sortak bertsoak@argia.com helbidera. Aukeratuak orri honetan argitaratuko ditugu.